

CIRCA NOVO PRAESIDENTE DE ApI.

Nos subscriptos—etsi italos, de plus: nam italos—judica opportuno que novo praesidente de ApI (post ultra 20 anno de praesidentia italiano) es selecto inter socios de ApI extra Italia.

Novo praesidente debe continua propaganda pro Interlingua cum entusiasmo et spiritu liberale introducto per Peano in Academia, et synthetizato in sequente regula:

Omne socio pote adopta forma de interlingua que illo praefert ;

quamquam, ab 20 anno et ultra, majoritate de socios seque in modo fidele deliberationes que Academia prehende in 1910:

1. Interlingua adopta omne vocabulo commune ad A.F.H.I.P.T.R.

Et omne vocabulo latino cum derivatos anglo.

2. Omne vocabulo, que existe in latino, habe forma de thema latino.

3. Suffixo -s indica plurale ,

que nos considera, etiam hodie, optimo et ut signos characteristico de nostro Academia.

Nos fac ergo invitatione ad socios non italiano de concorda se super nomine de novo praesidente. Et isto invitatione es facto in modo speciale ad socios numeroso de America, de Britannia, et de Polonia.

Simul nos exprime desiderio que SCHOLA ET VITA continua ad es organo officiale de Academia.

C. Canesi, N. Mastropaolo, U. Cassina, ~~G. Boggio~~, O. Chisini, B. Finzi,
G. Iozzi, Piccoli, P. Chinaglia, L. Della Casa, M. Pastori; G. Biggiogero,
G. Migliorero, C. Boccialatte